

Swift
CANNED MEAT SPECIALTIES
Agente: **Wimco**

ARUBA ANSE COURANT



Diario pa Aruba



NO WII FOR COOLNESS AIRCONDITIONING
Tel. 2179
ELMAR

Anja 25 DIABIERNE 27 DI SEPTEMBER 1963 No. 4752

NOW big-screen Emerson 23" CONSOLE TV
Costs No More Than a Small Screen Portable

FOR THE PRICE OF A SMALL SCREEN PORTABLE YOU CAN OWN A BIG SCREEN EMERSON TABLE TV ON MATCHING BASE


We're breaking the price barrier on console sized television with this brand new big-screen, big performing Emerson 23" console television. Costing no more than a small-screen portable, it gives you 63% more viewing area... far more viewing pleasure. This Emerson big-screen TV set includes: Full Power Transformer... that performs where others fail... Rectangular Screen 23-inch Picture Tube... One-Knob Simplified Tuning... Horizontal Width Control... Handsomely finished metal cabinet with smart Tru-Slim design in grained Mahogany and Walnut.

CFL. 335.00 and up (CASH)
EMERSON means TROUBLE-FREE
EMERSON means CLEAREST RECEPTION
FREE TRANSFORMER
ASK FOR

The Free Merchandise Certificate
EASY TERMS and BETTER SERVICE
ARUBA TRADING COMPANY
Oranjestad San Nicolas.

SECCION DI DAMAS BOLIVARIANA A GANA FL. 500.

SAN NICOLAS, 27 sept. — E show di moda y peinado cual ultimamente a worde organisa pa Ladies Section di Sociedad Bolivariana den Aruba Caribbean Hotel-Casino y na cual La Linda y Maggy's Beauty Salon a duna cooperacion a trece un total di 500 florin den caha. E placa aki lo worde usa pa un obra caritativo. Entretanto fuera di Lago, otro organisacionnan, manera Lago Community Council a haci algun ofertanan na e club di damas aki, pa yudanza na e famia Jacks cu pa motibo di candel a keda sin dak ariba nan cabez. Lago Community Council a ofrece yudanza den forma di placa.



JUAN BOSCH TA PRESU AINDA DEN PALACIO PRESIDENCIAL

Gobierno provicional di tres persona

SANTO DOMINGO, 27 sept. — For di Santo Domingo nan a anuncia, cu nan ta vigila president Bosch y segundo president Gonzales Tamayo den palacio Nacional na Santo Domingo. Lideran militar a reuni lideran di partidonan politico pa forma un gobierno provicional.

Ayer tres persona a worde indica pa goberna Republica Dominicana despues di cada antayera di president Juan Bosch.

E personanan aki ta dr. Ramon, minister di exterior di e gobierno provisional, cu tabata na poder prome cu Juan Bosch, dr. Emilio de los Santos, ex president di e comision pa control na e ultimo eleccionnan e ingeniero Manuel Tavaréz, ex director di e compania industrial di desarrollo.

Entre tanto un primu di ex-presidente Juan Bosch a publica un mensahe, cu segun e a bisa a worde ricibi di e ex-president. Den e comunicado e ex-president ta haci un peticion na e pueblo pa no bira lombra pa democracia y e ta declara tambe di ta baha cabez pa desceonan di e pueblo.

E minister interino pa asuntunan di exterior di Merca pa kuestionan tocante Sur America, Carrion, a bisa na 'San Juan' cu e noticianan cu Merca a ninga e ex-president un visa ta infunda.

E regimen militar a primiti cu tur acuerdonan internacional lo worde resalta, especialmente esun di Punta del Este (e declaracion interamericano contra comunismo), tambe derechonan di ser humano, propiedadnan di exterior y libertad di comercio lo worde resalta.

Venezuela tambe a kibra relacionnan cu Republica Dominicana. Ta worde acepta cu e ministeran di exterior di e paisnan Mericano lo reu-ri riba peticion di Venezuela pa atende e asunto Dominicanu.

Ehercito Dominicano enire tanto a tuma medidanan severo na evita irregularidadnan na Santo Domingo.

Gruponan di demostrante cu tabata benta polisan cu piedra y kibra glasnan di showcase a worde aresta

E Bonds-president di Alemania West dr. Konrad Adenauer tabata di bishita serca Papa Pablo VI. Durante e bishita aki nan a pone acento riba e relacionnan cordial cu ta existi actualmente entre Bonn y Vaticano. Aki un portret di e recepcion di Adenauer serca Papa Pablo VI. Den centro e secretario di Papa.

inmediatamente. Den henter e pais ta prohibi pa tene demostracion.

Asilo politico

Radio Santo Domingo, cu ta goberna pa e gobierno militar nobo, a anuncia, cu e president dje partido revolucionario di Santo Domingo dirigi pa ex-president Bosch, a busca refugio den embahada di Colombia. Tambe e lider dje movimiento popular Dominicano, Lopez Molina, cu nan ta considera partidario di Fidel Castro a hui pe embahada Mexicano na Santo Domingo.

Despues Santo Domingo a participa radiao cu aeropuerto ta habri atrobe pa trafico aereo internacional.

E embahador di Republica Dominicana na Washington, Del Rosario, a tuma su retiro como protesta contra loka e ta yama e cada bruto di president Juan Bosch eheculu pa ehercito.

Observadornan politico na New York ta di opinion cu gobernacjon incapaz, economia mal dirigi y un

ORKAN „EDITH” MAS O MENOS 160 MILLA NOORD DI ARUBA

MIAMI, 27 sept. — E orkan „Edith”, a laga huella di destruccion riba tres isla den Caribe. 3 Cuart di e edificionan di Port de France na Martinique ta destrui y un como 20 persona a keda herida. Tabatin tambe varios candelu riba e isla.

Awe „Edith” a sigi den direccion di Santo Domingo. E instituto meteorologico na Miami a anuncia cu e orkan tin bientunan cu un velocidad di 160 km. pa ora. Tambe e orkan a causa destruccion na e islanan Dominica y St. Lucia tanto na edificio como na e cosecha.

Ayer atardi mas o menos 6'or e orkan „Edith” a pasa cu un velocidad di 17 milla pa ora na un distancia di 180 milla pa noord di Aruba. A concedencia di esaki e lamar na costa noord di Aruba y esun na west tabata sumamente brabo y helto. Havenmeester di Aruba senor J. Berkhout a laga avisa 'sur e donjonan di boto y jate pa ta alerta durante di e tempo aki y mara e botonan bon. E orkan awor ta ariba Mar Caribe y ta dirigiendo su mes den direccion noord-west.

„Edith” no ta forma ningun peliger pa e islanan A.B.C., esta mientras cu e sigui cu su rumbo noord-west. Pero e tempo mesos cu ayera lo tin algun influencia pa motibo di esaki.

poder creciente di gruponan di izquierda, ta e causanan di e cada di president Bosch di Republica Dominicana.

E pronosticacionnan cu e gobierno di Bosch ta na punto di cui ultimo simannan a aumentu fuertemente. Segun observadornan. E ultimo hiru cu Bosch a garra tabata e proposicion di ley pa medidanan severo pa pone beslag riba propiedadnan di hendenan cu a probecha durante e regimen di e ex-dictador Trujillo.

Ademas e observadornan ta muestra cu e cada di Bosch a worde causa tambe pa su cabezura. E no tabata haci causa di indicacionnan di infiltracion comunista den su gobierno y simpatia di algun di e miembronan hoben di su partido cu gruponan extremo derecho y castrista.

FATUM — Tel.: 1845
pa tur bo aseguranon

Defensanan den casonan Lewis y Figaroa contra I.O. W.U.A. a tuma lugar ayera Sentencia dia 7 di oktober proximo.

ORANJESTAD, 27 sept. — Ayer mr. P.P.C.H. van de Voort pa Independent Oil Workers Union of Aruba como partido acusa y mr. H.C. Willemse como abogado di e miembronan di I.O. W.U.A. Vicente Figaroa y Michael Lewis, a presenta e defensanan den e clieve procedure den cual e dos caballeronan menciona ta pidi huez pa declarar e directiva di e union como ilegal a base di nombramento di candidato institutario di dia 11 di agosto.

Den su defensa senor Van de Voort tabata di opinion cu e exigencianan no ta admisible como e.o. nan exigencia ta falta cada interes razonable y ademas e interes general mester prevalece riba e interes personal di e exigidornan. Den e defensa emocional mr. Willemse a contradeci e declaracion cu e resultado di e eleccion di directiva por ser nota como un „vote of confidence”. Segun el a declara nan tabatin por cierto un interes razonable y el a trata di muestra riba practiconan reprehensibles y maia ferser e union. Den nos edicion di malan nos lo dura un relato extenso di e raad. Dia 7 di oktober huez Bondam lo sentencia.

D.C. MATHEW TA „ARIBA”

ORANJESTAD, 27 sept. — E miembru di Staten D.C. Mathew, kende algun luna pasa a hanja e oferta pa un asiento den eilandsraad di Aruba, y ultimamente a sali pa islanan Ariba pa asisti na e inauguracion di e airstrip na Saba, a keda despuces algun dia mas na islanan Ariba. Segun ta worde spera e lo yega atrobe na Aruba den curso di dia. Loke ta trata di e aceptacion di e puesto pa diputado cu a worde ofreei na ne, ningun desicion no a worde tuma ainda.

ACCION „DUN'UN MAN” NA ARUBA TA CUMINSA DIA 27 Y 28 DI SEPTEMBER

ORANJESTAD, 27 sept. — Diahierna y diasabra vendiendo ariba dia 27 y 28 di september e hubentud di Aruba lo pasa cas pa cas y ofrese earchinan di venta na beneficio di e criaturanan invalido di Antillas. E Instituto Mgr. Verriet na Corsow tin mester di un extension urgente, pa cual lo tin mester di un total di 100.000.— florin. Pa hanja e suma aki cu entre otro e bendementonan di earchi, en total cuater den un mapa, cu paisahe Antillano ariba nan cu a worde pinta pa dos mucha homber

di Mgr. Verriet institut, lo tuma lugar. E mapa chikitunan aki cu e cuater earchinan aden ta costa 1 florin cada uno. En total 25.000 di e mapanan aki lo worde poni den circulacion, 16.000 na Corsow, 1.000 na Bonaire y 8.000 na Aruba. Centro Juvenil Corsow, e organizacion cu a tuma e accion aki pa su responsabilidad, ta spera cu cada Antillano cu sintimento, lo yuda pa e accion bira un exito, ta un deber na e muchanan di Antillas cu ta invalido mentalmente of fisicamente.

GROOTSE OPENING VAN TELEARUBA op 29 September 1963.

Stel uw Philips toestel af op kanaal 12 om 6.30 n.m. en kijk naar de eerste televisie uitzending vanuit de studios van TELEARUBA.

Dan ziet u:

6.30 — 7.00	Officiële opening ceremoniën.
7.00 — 7.20	Arubaanse groeten uit Nederland.
7.20 — 10.00	Uw favoriete lokale sterren samen met artiesten uit Curacao en buitenland brengen u een SHOW of SHOWS.

Sluit ook op ARUBA de cirkel

- PHILIPS TELEVISIE STUDIO APPARATUUR
- PHILIPS TELEVISIE ZENDER
- PHILIPS TELEVISIE ONTVANGER

Alle inlichtingen bij:
PALAIS ROYAL ARUBA N.V.
ORANJESTAD — SAN NICOLAS

Morgen Zaterdag 28 September a.s.
zullen onze winkels en kantoren de gehele dag gesloten zijn.

PALAIS ROYAL ARUBA N.V.
Oranjestad — San Nicolas

San Pedro Hospital ta encarga electro encephalograaf

ORANJESTAD, 27 sept. — E necesidad pa mas trabao especializa ariba tereno medico na Aruba, manera ariba tereno neurologico, ta un di e motibonan cu e directiva di San Pedro Hospital en cooperacion cu Bestuurscollege di Aruba a dicidi pa manda dr. J.P.W.F. Lakke, neuroloog-psychiater na Aruba pa un bishita di estudio pa Universidad di Colombia na New York, despues di cual dr. Lakke lo conseha S.P.H. ariba cumplimiento di un electro encephalograaf, aki segun sr. W. van Wijk, director economico di San Pedro Hospital a declara ayera atardi durante un conferencia cu prensa.

Cumpra un auto nobo di cualquier marca of modelo cerca nos, y bo tin chens pa gana un **OPEL KADET** nobo completamente gratis. Pa mas informacion **ARUBA TRADING COMPANY**

E plan pa cumpra un electro encephalograaf, un aparato cu ta registra malesanan cu por tin den e cerebro, a bini for di dr. Lakke, kende durante algun tempo ta un neuroloog-psychiater na Aruba y cu a mira e necesidad grandi di tal aparato pa nos isla. Durante e bishita di estudio cu lo dura dos luna, e lo bishita di terente hospitalidad y fabricacion na Merca caminda e aparatonan aki ta worde traha y tambe lo e tuma un estudio na Universidad di Colombia na New York ariba e funcion di e aparato aki. Despues lo e conseha San Pedro Hospital cual aparato lo ta esun di mihor y adecuado pa

hospital compra. E aparato aki segun informacion di director Van Wijk lo costa mas o menos 20.000 florin Antillano.

Doel di aparato

E malesanan cu e aparato aki por registra ta e desmalla, tumor, sangramento den cerebro y otro malesanan cu na un otro manera no por worde constata den e cabez. Manera dr. Lakke a splica, mayoria di e mediconan ariba otro tereno por mira of fula kiko nan patient tin, pero un neuroloog casi ta imposibel pa haci esaki. Y e aparato aki cu ta traha via un sistema electrico masha ingenioso, por registra e malesanan aki sin tin nodi di habri e cabez. Un examinacion cu tal aparato, segun dr. Lakke por dura di un cuarto di ora te mas o menos un ora y ta registra tur malesa cu por tin den cerebro.

E aparato aki durante basta tempo ya ta worde usa den St. Elizabeth Ziekenhuis na Corsow.

BISHITA ALTU DI T.C.A.

ORANJESTAD, 27 sept. — Dia 2, 3 y 4 di oktober e executive-vice president di Trans Caribbean Airways, Irving M. Buckley y senor David McFarland vice-president lo bishita Aruba.

Nan ta bini pa orienta nan mes aki y haci algun deliberacion importante.



Durante cobamentunan na Oostwoud na Hulanda, nan a hanja e.o. un skeleta masha bon conserva di un morto. E posibilidad ta existi cu e tumba ta data for di 1600 pa 1400 anja prome cu Cristo. Si waak e portret bon, por mira un dentura masha bunita.



Papa Pablo a ricibi e Romaine Curie den Vaticano den e organo eglesiastico aki. Riba e portret: Papa (drecht) ta ricibi e mienbroun di e Curie d.r.p.d., cardinal Ottaviani, cardinal Di Jorio, cardinal Bracci, cardinal Roberti, cardinal Julieu di Francia, cu ta duna Papa unan. Tras di Papa ta para e cardinal Larraona di Spanja.

Ex-gobernador y gobernador lo bishita Aruba

ORANJESTAD, 27 sept. — Diasabra venidero lo yega na Aruba a bordo di Hr. Ms. Dubois, baport di guerra Hulandes Staciona na Antillas. Su Excelencia Gobernador Debray cu senjora y drs. A. B. Speekenbrink, antes gobernador di Antillas. Entre otro e huespednan aki lo haci un bishita na e plantanan quimico na Bashi y diadomingo, 29 september na e apertura di e stacion di television na Aruba. Tele-Aruba, esun di e stacion oficialmen'e. Dialuna mainta e huespednan ta bolbe Corsow atrobe pa sali dialuna merdia na Bonaire, caminda nan lo keda te diamars merdia. Diabierne dia 4 di october drs. Speekenbrink lo bolbe Estados Uni-

dos caminda e lo continua cu su bishita comercial.

Manera ta conoci algun tempo pasa drs. Speekenbrink a worde nombra president di Conacho Advisor Industrial di Reinado. E bishita na Antillas ta di un caracte priva, pero probablemente lo e tin encuentronan cu representantenan di comercio y industria di e islanan.

PAREHA NOBO DI BAILE DEN KLOMPEN KLUB

PALE BEACH, 27 sept. — Como atraccion extra lo actua te dia 6 di october venidero den e show di anochi di Klompen Klub: Bud & Cece Robinson. E pareha di baile ta duna interpretacionnan di baile desde e anjanan 20 te na esnan di awendia. Na Estados Unidos ya nan a presenta den un cantidad grandi di hotelnan y nightclub selecta, tambe den hopi showman conoci di T.V. Por ehemplo nan a actua den Coconut Grove na Los Angeles, Twin Coaches na Pittsburgh, Palace na New York, Fontainebleau Hotel na Miami Beach, Caribe Hilton na San Juan, den Woody Woody Herman T.V. Show y Patti Page Music Hall T.V. Show. Bud y Cece Robinson a lama hunto y desde nan hubentud a participa na concursionan di baile. Di balamento a bin casamento, pero despues e balamento a sigui como un profesion. Nan interpretacionnan di Charleston, Rock 'n' Roll y Twist a pone miles goza. Nan ta presenta un show bunia y rapido, cual indubablemente lo ta na agrado di Aruba tambe.

PARTY R. J. DOVALE

ORANJESTAD, 27 sept. — E oficina pa anuncianan comercial di senor R.J. Dovalet lo duna diasabra venidero un cocktail party na e representantenan di diferente media di publicidad na Aruba. Ultimamente e oficina aki a participa cu el a hantia e administracion di e budget pa anuncianan comercial di Aruba Trading Company na Aruba.

3e Openbare oproeping

Uit een door mij, deurwaarder voor burgerlijke zaken bij het Hof van Justitie en bij het Gerecht in Eerste Aanleg, Zittingsplaats ARUBA en wonende op gemeld eiland aan de Sibeliussstraat no. 17 te Oranjestad, de 18e september 1963 uitgebracht exploit, waarvan een afschrift, zomede van na te melden verzoekschrift met de daarop gestelde rechterlijke beschikking is gelaten aan de E.A. Heer Officier van Justitie bij het Gerecht in Eerste Aanleg, Zittingsplaats ARUBA, terwijl afschrift is aangeplakt aan de hoofd deur van het Gerechtsgebouw te Oranjestad, blijkt, dat ten verzoeken van PETRA ROMANA JACOBS, zonder beroep, echtgenote van JUAN PRESBITERO CORNELIE, kleermaker, die verklaart in deze zijn voornoemde echtgenote bijstand en nachting te verlenen en beiden wonende aan de Socotorolan no. 21 te Oranjestad op Aruba en aldaar te hunner woonplaats domicilie kiezen- de en zoals per rechterlijk vonnis van de 10e oktober 1962 is thans voor de derde maal opgeroepen LAURENTIUS JACOBS, laatst gewoonde hebbende te Oranjestad op Aruba, doch thans afwezig en zonder bekende woonplaats, om op woensdag 4 december 1963, des voormiddags te 8.30 uur ter terechtzitting van het Gerecht in Eerste Aanleg, Zittingsplaats ARUBA, ten Raadhuis alhier te verschijnen, voor de andermaal behandeling der zaak, die de requestante bij het ingediende verzoekschrift voor gemeld Gerecht heeft aangehangig gemaakt; aangezien op de eerste en tweede oproeping noch de gedaagde, noch iemand van zijnenwege is verschenen en waarop bij het ten deze betrekend vonnis verlost is verleend tot het doen ener derde oproeping en op de wijze als bij de voormelde betekende beschikking is bepaald: MITS DIEN tenaangevozen dage la persoon of door iemand van zijnenwege van zijn aanwezen te doen blijken, hij gebreke waarvan door requestante, na het vervullen der in deze voorgescreven formaliteiten, zal worden geconcludeerd, dat bij vonnis worden de verklard, dat er ten aanzien van gerequireerde sedert het jaar 1917 rechtsvermoeden van overlijden bestaat; kosten reehtens.

De deurwaarder b/h Gerecht vnd. (get.) M. ODUBER.

PRENSA MERICANO TOCANTE JUAN BOSCH

NEW YORK, 27 sept. — Corantnan Neoyorking ta duna diferente declaracion tocante bahamantu di president Juan Bosch di Republica Dominicana, pero hopi di nan ta lamenta e golpe di estado di ajera mainta. New York Times ta yama e golpe, un hecho lamentable planea pa elementonan derechista y lidernan militar. New York Herald ta yama Bosch un teorico sabi cu cayey blanco, cu no tin talento pa enfrenta e intriganan diario. Agrupacionnan ultra derechista y militar nan ya a aclara e president cu nan lo actua si e no baha su reformanan economico y social, y su actividad en bista di agrupacionnan izquierdista, segun New York Times. E corant ta declara, cu nan ta considera president Bosch como un ehempel di un lider eminente den agrupacionnan "izquierdista di Latino America."

YABI

pa bo exito

NOS A CABA DI RICIBI

- Juicer
- Molina pa carni
- Bunita glas, tayó, koppi, etc.

tambe nos tin e conocido pakinan di Simiña, BURPEE-SEED

ACME STORE

San Nicolas — Tel. 5381 - 5384

TA SOLICITA

Corresponsal na SAN NICOLAS

Hulandes — Ingles of Papiamentu

Preferibel tambe fotógrafo.

Acudi por escrito na redaccion di **ARUBAANSE COURANT**, Nassaustraat 85, O'stad of jama Tel. 1116 - 2116.

NOBO NOBO NOBO

NASSAUSTRAT No. 34

Nos a caba di ricibi Dacron nobo den bunita disenjos y tambe den color liso. Bunita tela pa bistr di fiesta pa Pasco venidero, Brocat di Francia, Tweed, especialmente pa traha suit pa daman, den colornan fantastieamente y seru nos sentipar ta mas barata!

SITUACION NA E FRONTERA ENTRE RUSIA Y CHINA

MOSCU, 27 sept. — Segun e corant Sovietico di central Azia Kazachstanskaya Pravda guardianan Chines di frontera a tira riba hendenan cu a hui pa Union Sovietica. Esaki ta e prome noticia di Rusia den cual nan ta anuncia tiramentu na frontera.

Conferencia locante industria nuclear di E.E.G. inaugura

AMSTERDAM, 27 sept. — Ayera nan a habri den Hotel Hilton na Hulanda e conferencia organisa pa e comision di Euratom tocante e futuro desarrollo di actividad den industria nuclear di e comunidad Europeo. Nan lo tene e deliberacionnan di dia 26 te 28 di september y lo asisti esaki ta como 50 funcionario di Euratom y representantenan di e parti di industria relaciona.

SATELITE CU ENERGIA NUCLEAR

WASHINGTON, 27 sept. — Ministerio Mericano di defensa y oficina pa blake aerea y den espacio a anuncia hunto den un comunicado, cu pronto nan lo lanza un satellite, kende su intrumentonan lo funciona door di energia nuclear. Segun un noticia foi Washington.

Avisa den **ARUBAANSE COURANT** y compara e resultado

VERF MARCA **ROMART**

INTERIOR — EXTERIOR
ROMART TA UN VERF MODERNO, CUIDADOSAMENTE MESCLA PA PROTEHA E SUPERFICIE COMPLETO.

1 galon f. 5.10
1/4 galon f. 2.25

Tambe tin tur sorto di KWASHI. Obtenible na:

Panama Store

Pa un carrera Gavilanes a gana di Amstel

(Di nos Redactor Deportivo)

Diarazon anochi a bolbe worde hunga dos partido di e campeonato actual di softball. E promer partido tabata entre San Nicolas Stars y Caribe. E peleronnan di San Nicolas a resulta vencedor cu amplio score di 14 carrera pa 1 conectando cantidad di hit contra di e dos lanzadornan ora door di Caribe. A habri v resultado perdedor Leo Kuiperi, kende luego a worde releva door di Ruben Mansur. Pa e Sireyanan di San Nicolas a lanza benier e partido y resulta ganador. Buchi Maduro.

Tabata promer weg di San Nicolas Stars y e tercer derrota pa e caribenyonan.

E segundo partido tabata eun interesante di e anochi. Amstel su lanzador Oslin Boekhoudt a sabi di contene e bateadornan di Gavilanes na cero hit y cero carrera durante e promer cuatro inningnan.

Den e quinto sinembargo cos a danja pa pitcher Boekhoudt y a drecha pa Gavilanes. A cuminsa haci e cambio aki Paus di Gavilanes cu a conecta e promer hit pa su team. Na e momento ey Amstel tabatin un ventaha di 7 carrera na 0. Despues cu un hungador mas di Gavilanes de Casa Haima a embasa, a drecha como pinchhiter e grandote Freddy Coffy, kende a conecta un homerun pa empulsa tres carrera.

Den e sexto episodio, Gavilanes a sigui cu su atake y a anota cinco carrera.

Den e sexto episodio, Gavilanes a sigui cu su atake y a anota cinco carrera mas, di cualnan cuatro tabata empulsa door di Freddy Coffy, kende a bolbe conecta un homerun, e biha aki cu tres companjero na base. E ultimo homerun aki di Coffy tabata por cierto un bestial batazo den lefterter.

Cu e cinco carreranan anota, den e sexto inning, Gavilanes a bai arriba 8-7, cu cual score por cierto e partido a caba.

Pa Amstel a conecta un homerun Lampe, Pitcher perdedor a resulta Oslin Boekhoudt y ganador a bira Freddy Coffy, kende den e quinto a releva Vero Maduro. Contra Coffy e team cervicero di Amstel no a anota carrera. Gavilanes tin awor dos gana, un perdi y Amstel tin dos perdi sin triunfo.

PARTIDONAN PA AWE NOCHI

Awe noch e campeonato ta continua cu e siguiente weganen. Plymouth ta topa Elmar den e promer enuecuro y den e segundo ta mishi forza Aruba Jrs y Rapiños.

E ultimo dianan algun diario di Hulanda no por a sali pa motibo di un welga di typograaf entre e personal di „De Telegraaf“. E welgistanan tabata kier un aumento di sueldo, pero e directiva no a bai di acuerdo. E welga a terminu awor. Aki por mira e typograafnan dilanti e edificio di „De Telegraaf“, despues cu nan a stop di traha.

Hinderverordering Aruba

De Gezaghebber van het eilandgebied Aruba maakt bekend dat door de Antilles Chemical Company en door de Cempco N.V. verzoeken zijn ingediend om vergunningen, respectievelijk voor het oprichten van een amoniakfabriek op het industrie terrein op Barcadera en voor het oprichten van een betonwarenfabriek aan L.G. Smith Boulevard zonder nummer. De betreffende verzoeken zullen gedurende dertig dagen na heden op het Bestuurskantoor, afdeling Algemene Zaken ter inzage liggen en een ieder kan gedurende deze termijn mondeling of schriftelijk zijn bezwaren tegen bedoelde verzoeken kenbaar maken.

TERITORIO INSULAR DI ARUBA

Ontvanger di Teritorio Insular di Aruba ta participa na esnan cu no a paga nan abono di telefoon di luna di september 1963, cu anmaning lo ser poni na post dia 30 di september 1963 y cu for di dia 1 di oktober 1963 lo cuminsa cobra gastonan di telefoon pa e luna menciona.

CISCO KID presenta pa cortesia di **ARUBA BOTTLING COMPANY** NESBITTS den varios sabor, e refresconan mas pidi y mas gusta na Aruba:

1. Ainda Estrellita e bailarina lo ta akinan?
2. Eh, para, para.
3. Kiko? Para.



EPITA pa cortesia di: Antillian Hardware Co

E mejor adres na VERE. KWASHI TUR CLASE DI HERMENT, articulos sanitario.

1. Ami ta paga e cuenta.
2. Masha danki, hefe: bo ta masha amable di paga pa mi almuerzo.
3. Ta un placer... mi ta considera bo como un valioso empleado y un amigo stima.
4. Ademas, esaki mi ta kiba foi bo belas ing.



DE GAULLE RIBA GIRA DEN SUR DI FRANCIA

ORANGE, 27 sept. — Riba e prome dia di su di binti gira door di departamentonan Frances, e biaha aki den parti sur di e pais, president De Gaulle di Francia a tene discurso na Orange Apt y Carpentras.

El noblacion den e barrio aki, unda tin mas adversario cu favorecedor di su politica ta bira, ya a worde anuncia prome cu yegada di De Gaulle pa medio di circulacion di e organisacion di ehebreto secreto, pa tene nan yunan for di cercania di e ruta cu president De Gaulle lo sigi si en caso nan mester comete un asalto contra bida di e president.

Pero e prome dia di e gira a transcuri sin incidente. Pero no tabatin muchu interes pa e discurso di De Gaulle. No tabatin ni dos mil hende ta tende su discurso. Den su discurso De Gaulle a acentua especialmente Francia su independencia politica y militar. Pa loke ta F.E.G. De Gaulle a bisa, cu Francia tambe dentro di e comunidad ey ta desea di keda su mes y cu Francia no kier laga productonan di otro lugar inunde.

President De Gaulle di Francia ta

CABOT LODGE TA CRITICA SENJORA NGO DINH NHOC

SAIGON, 27 sept. — E embahador Mericano na Sur Vietnam, Cabot Lodge a yama e critica cu senjora Ngo Dinh Nhoc a haci riba conscheron militar di Merca den su pais „repugnante“.

E cuña di president Ngo Dinh Diem a declara na un conferencia di prensa na Roma, cu e conscheron Mericano ta comporta nan mes irresponsabel y ta actua manera soldadonan mercenario. Den su prome declaracion den publico for di su yegada na Saigon mas cu un luna pasa, Cabot Lodge a bisa, cu e conscheron Mericano ta merece gradecimento y no insulto.

MINISTERNAN DI SURNAM PA HULANDA

PARAMARIBO, 27 sept. — Prome minister G. Pengel y minister dr. Rambaran Mishre di justicia y polis lo sali medio november pa Den Haag. Nan ta invita pa e gobierno Hulandes pa asisti na e celebracion di 150 anja di existencia di reinado.



E principe heredero di Persia, principe Reza Pahlevi ta dispone di un propio guardia di honor (chikitu). Aki nos por mira e principe chikitu inspectando e guardia di honor como parti di su educacion.

ENCUENTRO ENTRE TITO Y KENNEDY

BEIGRADO, 27 sept. — President Tito di Joegoslavia lo tin dia 17 di october na Washington un conversacion inoficial cu president Kennedy, segun nan a anuncia ayera na Beigrado.

Despues di su buihe pa Latino America Tito lo sali pa Merca. E president di Joegoslavia actualmente ta na Chili. Dia 28 di september te cu tres di october e lo ta na Bolivia. Di ey e lo sali pa Mejico.

ACLARACION DI ATENTADONAN NA BELGICA

BRUSSEL, 27 sept. — Un explosion den un cas na Gent, caminda dos persona a keda herida, a conduci segun noticianan den prensa Belgo pa descubrimiento di un „arsenal“ secreto caminda nan ta fabrica explosivo cu nan ta usa ne atentadonan comeli e ultimo tempu na Belgica. She'e persona entre kende un hobencia, ya a declara di tabata relaciona ne atentadonan na Oostende y Gent. Nan a declara di a hanja nan ordenan for di Brussel, pero nan no conoce nan hefenan. Na Oostende nan a henta durante un demonstracion di Flamenconan luna pasa un bom, door di cua un polis a keda seriamente herida. Algun luna pasa nan a henta tambe un bom den edificio di e Union Flamenco Popular na Aalst.

E denjo dje cas caminda tabatin diumars anochi un explosion tambe a keda detene. Ta trata akinan di Jacques Stassart, cu tin un papel importante den e comite pa e dos idiomaan na Belgica, dirigi contra e extremistan di Walen y Vlamen. Den su cas nan a hanja pipa di staal y poeire magnesium pa fabricacion di bom, pamfletta y number falso di auto. Nan ta supone, cu e explosion a tuma luga ora cu nan a fabrica un provision nobo pa combati un demonstracion nobo dje Union Popular cu meser fuma luga diadomingo a wor na Gent.

DELIBERACION ENTRE MERCA Y RUSIA

MOSCU, 27 sept. — Awe ta cumenza na Moscu deliberacionnan entre representanten Mericano y Ruso tocante un acuerdo consulario door di cua, Merca pa di prome biaha lo hanja consuladonan pafo di Moscu. Solamente durante segunda guerra mundial y un tempu corticu despues tabatin un consulado Mericano na Wladivostok, pero jamas tabatin acuerdo consulario entre amos pais, maske cu e acuerdo di 1933, den cua Merca ta reconoce Union Sovietica ta proporciona den e acuerdo consulario.

CONFLICTO MILITAR ENTRE INDONESIA Y MALEISIA

SINGAPORE, 27 sept. — Segun un participacion cu a worde haci na Djakarta tin shete miljon Indones ela pa yuda esnan cu ta lucha pa libertad. Na Koala Loempoer 20.000 miembro di e sociedad di Maleisia di ex-militaritan a primini solemnemente di lo defende e pais y nan a bisa cu nan ta spera riba un decision di gobierno. E minister di defensa na Maleisia a bisa cu su departamento lo cumenza inmediatamente cu adquisicion di militaritan.

E alto comisario Ingles na Koala Loempoer, kende a worde nombra como embahador na Islanda, a bisa na Koala Loempoer cu e no ta kere cu un guerra lo cumenza. Si e ta ealcula cu lo tin incidentenan frontiero na Borneo.

Restu di heroe nacional di Korea pa Korea

DEN HAAG, 27 sept. — Nan lo hiba Korea restu di e heroe nacional di Korea, Li Tsjong cu for di 1907 ta sosega na Hulanda.

Li Tsjong, un juez cu a nace na anja 1858 tabata na anja 1907 delegado di emperador Li di Korea pa e di dos conferencia di paz di Den Haag pa duna un explicacion di e opinion di e emperador tocante tratado di 1905



Criminalidad ta un empresa grandi na MERCA

WASHINGTON, 27 sept. — E minister Mericano di husticia, Robert Kennedy, a bisa cu criminalidad ta un di e empresanan mas grandi na Merca y el a insisti pa pone leyman mas severo pa yuda e cambate contra criminalidad.

E sub-comision di Senado Mericano, cu ta bai haci un investigacion di e sindicacion di criminalidad a tende prome palabranan di minister Kennedy.

E punto culminante di e investigacion lo ta muy probable e declaracion di Joseph Valachi, un criminal di 60 anja cu a worde condena y cu ultimo tempu a pone FBI na altura di diferente, secreto, di e organizacion di bandanan di criminalnan.

Valachi, kende tabata miembro di e concepo organizacion Cosa Nostra (Nos Asuntu) — un departamento di Mafia, manera ta conoci, a worde declara fuera di ley door di e bandanan di criminalnan, pasobra e no a atene su mes na e obligacion di secreto.

Minister Kennedy a declara, cu e

RELACIONNAN ENTRE INGLATERRA Y INDONESIA

NEW YORK, 27 sept. — E embahador Indones na London Diah, cu a worde yama pa deliberacion cu su minister di asuntunan exterior dr. Subandrio, a duna e minister Britanico di asuntunan exterior cu ta ayanan Lord Home, seguridad, cu Indonesia kier mantene e relacionnan amistoso cu gran Britania.

Diah a declara cu dr. Subandrio a bisele prome cu su regreso pa Djakarta, cu e lo delibera den capital Indones cu e embahador Britanico tocante futuro di empresanan Britanico, cu a worde pone actualmente bao di vigilancia di gobierno Indones. Tur cos lo keda aclara, asina Subandrio yega Djakarta, segun Diah a declara Lord Home.

imagen duna pa Valachi di mundu di criminalnan ta sumamente serio. E lidernan di erimen organiza ta goza di un entrada anual di centenares di miljar di dollar y nan imperio ta basa riba sufrimento humano asina e minister a bisa.

E minister a participa, cu gobierno ta trata na interveni den e lucha entre dos banda na Brooklyn, cu te awor aki a causa cinco asesinato, diez tiroto, dos maltrato y un intento pa horca. Pero el a bisa cu e sucesonan ey no ta sosega solamente na New York of Chicago, asina el a bisa.

For di anja 1960 tabatin 37 morto entre gangsternan den e territorio di Youngstown, na Ohio tabatin for di anja 1950, 70 asalto di bom.

E PROPUESTO REBAHO DI BELASTING MERICANO

WASHINGTON, 27 sept. — Camara Mericano di delegadonan a di-eidi ayera nochi pa aproba e proposicionnan di Kennedy pa rebaho di belasting. Gobierno Mericano ta spera, cu e medida aki cu lo cos'e 11 miljar dollar, lo stimula actividad di economia. Te ainda Senado mester trata e proposicion menciona.

ASAMBLEA GENERAL DI NACIONNAN UNI

NEW YORK, 27 sept. — Den Asambla General di Nacionnan Uni e delegado di Panama Galileo Solis a exige pa president Kennedy haci algo contra e mentalidad colonial dje Mericanonan, cu ta situa den territorio di Canal di Panama. El a bisa cu e Mericanonan ta desconfia e Panamenjanan ora cu nan ta busca obregonan pe Canal. Nan a suspender reunion pa te awe tardi.

„Groenen“ di Technische Hogeschool na Eindhoven tabata entre esnan cu a presencia e apertura di un edificio principal nobo di e school „Groenen“ ta e nomber pa e estudiantenan cu ta den e prome anja di school. E apertura a tuma luear na minister di ensenyanza, Arte y Scelencia di Hulanda, mr. Th. H. Bot.

AYUDO MERICANO NA INDONESIA

WASHINGTON, 27 sept. — Ministerio Mericano di asuntunan exterior a declara ayera, cu prome cu e investigacion cu nan ta haciendo actualmente pe programa Indones di estabilizacion ta cla — e no ta mira ningun utilidad pa continua deliberacion cu otro gobiernonan tocante un fondo pa ayudo na Indonesia. Ayudo Mericano na Indonesia cu ta hini di acuerdonan bilateral no ta relaciona cu e investigacion.

Circulonan bon informa na Washington a anuncia tambe cu e Fondo Monetario Internacional a laga Indonesia sa, cu nan mester tene mas deliberacionnan prome cu gobierno na Djakarta por haci pretenccionnan nobo e suma di 50 miljon dollar; cu e Fondo Monetario Internacional a priminitie e verano aki pa ayudo na estabilizacion di economia Indones.

BRINGAMENTUNAN NA LAOS

VIENTIANE, 27 sept. — Segun noticianan ricibi na Vientiane tabatin e ultimo dianan na llanura den llantos bringamentunan entre unidatnan dje tres agrupacionnan cu ta contra otro e emisora di radio di Pathet Lao pro comunista a insinua ayera cu trupanen derechista tabatin despues di un atentado cu a fracasa seis morio y 77 herido. Di fuente neutralista nan a bisa cu nan trupanen a combati dos atake di unidatnan di Pathet Lao. Ta cinco luna cu ba cu e neutralistanan ta bringa contra forzanen di guerra di Pathet Lao, pa hanja control riba llanura de llantos. Trupanen derechista a seonde den mondi cu ta keda alrededor dje llanura aki.



E farro nobo „Alte-Weser“ 50 km, dilanti costa den e desembocadura di Wezer na Alemania West, pronto lo ser termina. E farro nobo ta reemplaza esun bieuw „Roter Sand“ cu a worde construi na 1885.

BO HOROSCOPO PERSONAL

ARIES
21 Maart — 20 April



Bo nor bai dilanti den bo trabao door di fabornan cu bo ta haci na otro. Un cierto kestion ta worde regla den aarti.

TAURUS
21 April — 20 Mei



Circunstancianan ta favorable awor pa bo intencionnan y diverticion. Probablemente un deseo di bo lo worde cumpli anochi.

GEMINI
21 Mei — 20 Juni



Haci poco trabao necesario na cas awe. Duna extra atencion na bo mayornan y familia, por tin poco retraso.

CANCER
21 Juni — 22 Juli



E dianan venidero lo ta importante pa cambianan den bo relacionnan cu familia y biciaja. Tene pasenshi y sosega bon.

LEO
23 Juli — 22 Augustus



Awor bo lo mira algun chens pa hanja ventaha financiero. Haci uso di e oportunidad, pa bo tin exito.

VIRGO
23 Augustus — 22 September



Influencia di planetanan ta renova e chens pa cambia bo ideanan. Organiza bo asuntunan financiero mehor.

LIBRA
23 September — 22 Oktober



Lo ta mehor pa bo tene bo mes poco atras y termina trabao pendiente awe. Percora pa bo salud y no cansa bo curpa dimas.

SCORPIO
23 Oktober — 22 November



Personanan cu bo conoce lo escoge bo pa un bishita social. Controla bo cuenta di banco aardi y protege bo reputacion.

SAGITARIUS
23 November — 21 December



Hendenan importante lo ta poco exigente y critico awe. Bo por aumenta bo prestigio door di cumpli cu bo debernan.

CAPRICORNUS
22 December — 19 Januari



Un cambio di aspecto ta tene bo den un periodo nobo pa traha plan of cambia areglo nan.

ACUARIUS
20 Januari — 18 Februari



Na fin di luna bo lo mester paga y cobra bo debenan. Mas den anochi ta resul a favorable omence y a-

PISCES
19 Februari — 20 Maart



Laga otro nan tuma direccion awe y no confia muchu riba bo suerte awe nochi. Conserva bo energia y protege bo placa.

MERCA Y COMERCIO CU UNION SOVIETICO

WASHINGTON, 27 sept. — E comisionnan di Senado pa relacionnan cu exterior y agricultura di Merca awe lo tene hunto un reunion priva pa papia tocante venta di orodutornan sobra na Merca cu Union Sovietica. Esaki ta e prome paso oficial di Congreso Mericano pa considera e posibilidad di un politica comercial nobo pa cu Union Sovietica. Entretanto un grupo di comercianten di trigo na Ottawa, a declara cu ta spera di sigui e ejemplo di Camada pa vende trigo cu Union Sovietica.

BUCHI ROBEZ

presenta pa cortesia di REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

